

Tremendo batizamento di "Djente Chiquitin ta bay keiro"



Como simbolo di pureza "Djente Chiquitin" a worde batiza cu awa di yobida cu a cay den un regenbak.

Madrina y padrino tabata e cuatro alumnonan di Sonia Valdez: Danietza Webb, Jo-Evie Felten, Set Profet y Michel Maduro.

Padrino y madrinanan a lesa na final un poesia relaciona cu e buki, inspiracion di Sonia Valdez.

Esaki despues cu Ferdinand Franca, cu un bouquet de mucha sinta su dilanti, a lesa e storia di "Djente Chiquitin ta bay keiro" loke a ranca hopi aplauso caluroso di e publico presente.

Riba combinacion di potret por aprecia momento cu e ceremonia aki tabata tumando lugar.



ORANJESTAD (AAN) --
Biblioteca Nacional a worde envolvi den un ambiente di fantasia y color, diahuebs anochi, durante e ceremonia di batizamento di e buki skirbi pa Sonia Valdez, "Djente chiquitin ta bay keiro".

Sonia ta juffrouw na Trupial Kleuter School, di Santa Cruz, y cuatro di su alumnonan a sirbi como madrina y padrino di e buki.